

袁中郎全集卷二十六

公安 袁宏道 著

景陵 鍾惺 定

錢塘 湯汝楫 閱

擬古樂府

附雜體

樂府之不相襲也自魏晉已然今之作者無異
拾唾使李杜元白見之不知何等可笑也舟中
無事漫擬數篇詞雖不工庶不失作者之意具
眼者辨之

飲馬長城窟行

長城水鳴咽夜夜作秦語問子何代人防胡舊軍旅
冤魄滯孤魂不得歸鄉土白水洗白骨癥盡水酸楚
洗多成黑流水性毒于蠱立馬古戰場長嘶待天雨
長安有狹斜行

按金駒立長溝枇杷落盡茱萸秋山西女兒帕勒頭
面上堆粉鬢堆油二十五絃彈箜篌猩紅衫子葡萄
紬笑問南裝如此不

結客少年場行

結交徧四海鄉人無半識耻納無意儒寧結有心賊

白手一布衣喜怒關通塞將相每在門望氣如望職
易卜天昏晴難候君顏色頭顱可擲人一顧不可得
釣竿行

巖難一絲名渭水一竿勢所釣非所求巨鱗安得至
不如無名子心曾少根蒂朝隨鷗侶歌夜引魚蟹醉
採水如採甕隨手得鰕鱖鮮蔬煮活魚無鹽亦有味

秋胡行

堂上姑待汝哺袖中雖有金不堪贈彼姝妾懷如日
君情若泥路旁之心不自保安保他國無蛾眉沙浩

浩水咽咽妾死情不死節河水如可竭妾腸當再熱
妾薄命

落花去故條尚有根可依婦人失夫心含情欲告誰
燈光不到明寵極心還變只此雙蛾眉供得幾迴盼
看多自成故未必真衰老辟彼數開花不若初生草
織髮爲君衣君看不如紙割腹爲君餐君嚙不如水
舊人百宛順不若新人罵死若可回君待君以長夜
有所思

人生如驛騎往復無停勒曾懷無盡絲漫天作虛織

秋霜與春風乘間遞爲賊衰老迫紅顏白髭傳消息
積雪填枯井井深填不得眉稜萬斤重白日沉幽墨
欲行戒嶮難欲飛防繒弋

善哉行

今日相樂式舞且歌鵲紋鐵板白面青娥食羔以七
盛酒以盆刀鱗亦厭何必河豚儒迂墨儉跖非堯是
善哉諸君請入禪裏讀書不成學仙寡效懸腹鷓枝
從吾所好

猛虎行

甲蟲蠹太平搜利及丘空板卒附中官鑽簇如蜂踴
撫按不敢問州縣被訶斥槌掠及平人千里旱沙赤
兵衛與郵傳供億不知幾即使沙沙金官支已倍徙
鑽徒多劇盜嗜利深無底一不酬所欲忿決如狼豕
三河及兩浙在在竭膏髓焉知疥癬憂不延爲瘡痂
相逢行

行行卽曲巷曲巷多蒿草窓路掠蛛絲讀書歲月老
壁上榮啟圖手裏黃石編當盡三時衣不直數緡錢
兒女無禪著常時煨故紙稅地植桃花十樹九樹死

君莫悲腐草腐草發光耀玄霜畏冬青白髮傲年少
悲哉行

石馬立荆棘荒城叫老狸昔時冠帶人唯有鶴來歸
宿志慕長生羽黨盡刺譏父母不我容碧海三山飛
朝牧老君龍莫守劉安雞仙家歲月長桃子三垂枝
歸來見荒塚半是孫曾碑城池百易主族里無從知
古人悲夜繡今我亦似之白骨不可語鶴歸空爾爲
門有車馬客行

門有車馬客錦襪烏紗巾寒毛接短鬢絲絲沙與塵

問子何勞勞上書西入秦八年始一命官卑不救貧
冒霜揖槐柳望灰拜車輪一身百糾縛形如一束薪
手纏不自解利刃寄他人蔗與藥同餐雖甘亦苦辛

短歌行

酌君易州之清醞被君吳閶之織綯男兒二十無所
成腰肢一半沒青草趁輕健買驀褭哭聲多笑聲少
黃金蕩盡君莫嗔古來餓殺幾賢人

京洛篇

煌煌京洛城
朱衣喧廣道
白首賤書生
驢馱捐詩草

懷刺謁恩門門卒相輕眇十上十不達登街顏色槁
疊身事實公習諛苦不早聳眼一寸紗茫茫遮人老

鰕行

鰕出潢潦道逢東海使魚服而介身呬浪以相戲
物微恐見侵跳波爭努臂東陂招能兄西谿喚螺弟
水蟲萬餘種各各條兵議聚族鼓鱗鬣不能當一噉

升天行

乘赤霧鞭鸞轍路逢王子晉玉簫已吹折織女弄機
絲餘緯爛霄闕下土蟣虱民誤喚作雌霓張翁老且

耄舉止多嫫褻侍仙三萬年不曾見隆準真人多竄
左天狐慘餘孽義御失長鞭牽牛嘆河竭

懼歌行

妾家白蘋洲隨風作鄉土弄篙如弄鉞不曾拈一縷
四月魚苗風隨君到巴東十月洗河水送君發楊子
楊子波勢惡無風浪亦作江深得魚難鷓鴣充饒隹
生子若鳬雛穿江復入湖長時翦荷葉與兒作衣襦

魚苗風洗河
水皆長年語

青總馬

青驄馬九尺強百金買千金裝雙蹄不着地影滅如
飛翔借問冶遊郎何爲在他鄉下馬立青梧手提碧
珊瑚千喚不知人盡眼眇當壚當壚豈不治寒衣愁
曉露五步一停驄十步一回顧客從遠道來贈我青
鸞帶交頸復同心白石青松在東家好女秦羅敷西
家蕩兒馮子都鴛鴦只愛毛翎好那知水底有鵝鵝

折楊柳

艷陽二三月楊柳枝參差每逢雙燕子憶得別君時
憶得別君時遺君珊瑚枕君行佳麗地何人薦君寢

越女性如綿吳妓情似紙夫君浪子心吹作東西
前月父書來道君遊淮北今月見君字知作江南客
江水自清流照君不照妾

紫騮馬

紫騮馬行且嘶願爲分背交頸之逸足不願爲追風
絕景之霜蹄霜蹄滅沒邊城道朔風一夜霜花老縱
使踏破天山雲誰似華陰一寸草紫騮馬聽我歌壯
心耗不盡奈爾四蹄何

短歌燕中逢樂之律作

下馬一言不及暄寒昔年毛羽今日肺肝我懷如瘡
君懷幾許登堂直視無心可舉明月浮空清霜墮地
將軍北園金吾西第羅屏晝掩金壘夜開呼盧射覆
飛爵流杯吾爲若舞若爲吾歌劒去龍沉逝將奈何
情長刻短爐寒火青歌尊亂筴誰是主人鵬飛九萬
爲鷺鳩笑我欲携君連翩海嶠

橫塘渡

橫塘渡臨水步郎西來妾東去妾非倡家人紅樓大
姓婦吹花誤唾郎感郎千金顧妾家住虹橋朱門十

字路認取辛夷花莫過楊梅樹

醉鄉調笑引

無懷十六傳乃至酒聖人其道尚清淨無爲而化成
周公作酒誥流言幾禍身宣王不得已乃爲述酒經
經曰天有酒則不傾國有酒則不爭有王者起必世
而後仁何用導以德齊以刑但當引酒爲河累麴爲
城日月所照霜露所墜凡有血氣者莫不醉醒醒處
今不知死生兮不知生沃殺知巧鬼何愁不太平

劒泉上山如黛劒泉下水如佩一片青閨八代鬼窈
窕山黶黶生公法今何在真娘墓遙相對一日計千
舟一舟計萬錢寧負公家稅莫負少年年女可鬻妻
可徙石上歌應不止

逋賦謠

索逋賦逋賦索不得不是縣家苦催征朝廷新例除
本色東封西款邊功多江淮陸地生洪波內庫馬價
支垂盡民固無力官奈何蘇州舊逋七十萬曹折金
花居其半安得普天盡兩金上爲明君舒宵肝嗟乎

民日難官日苦竹開花鑛生土

祝雨

雲縷縷山絮絮寒欲來煖先據洗山山骨新洗花花
色故寄言行雨兒莫下山頭去

西陵橋

西陵橋水長在松葉細如鍼不肯結羅帶鶯如衫燕
如釵油壁車所爲柴青驄馬自西來昨日樹頭花今
朝陌上土恨血與啼魂一半逐風雨

宋帝六陵